

CUSSEGL GROND

Sessiun d'avust 2023

Incumbensa Schneider concernent l'adattaziun da la progressiun reala

Progressiun reala – er numnada progressiun «chauda» – signifitga, che las persunas obligadas da pajar taglia sa ruschnan cuntinuadamain sin stgalims da progressiun pli auts en consequenza dal creschament economic real. Per l'ina ha quai l'effect che la grevezza fiscala s'augmenta pli fitg che las entradas realas. Per l'autra sa ruschnan adina dapli persunas obligadas da pajar taglia sin il stgalim da progressiun il pli aut. Quest fatg impedescha il princip da l'imposiziun da taglia tenor la capacita economica. In studi dad Avenir Suisse ha mussà, che l'augment real dals salaris per 8,4 pertschient tranter il 2010 ed il 2020 ha chaschunà, che las chasadas svizras pajan – pervia da la progressiun chauda – 800 milliuns francs dapli taglia federala directa che quai ch'ellas stuessan, sche lur grevezza fiscala fiss medemamain s'augmentada proporziunalmain, q.v.d. per 8,4 pertschient.

Entant che la progressiun freida, che sa basa sin l'inflaziun, vegn cumpensada en il chantun Grischun, n'è quai betg il cas tar la progressiun reala. Las sutsegnadras ed ils sutsegnaders incumbenseschan perquai la Regenza d'examinar ina futura cumpensaziun da la progressiun reala, e quai en il rom da la realisaziun da l'incumbensa Hohl concernent distgargas fiscalas per famiglias e per persunas spezialisadas.

Cuira, ils 2 da settember 2023

Schneider, Hohl, Zanetti (Landquart), Altmann, Bergamin, Berther, Berweger, Bettinaglio, Binkert, Brandenburger, Brunold, Bundi, Candrian, Collenberg, Cortesi, Cramer (Li Curt), Cramer (Surava), Danuser (Cuira), Danuser (Cazas), Della Cà, Dürler, Epp, Föhn, Furger, Gansner, Hartmann, Heini, Holzinger-Loretz, Jochum, Kohler, Loepfe, Loi, Luzio, Maissen, Mani, Metzger, Michael (Donat), Mittner, Morf, Natter, Oesch, Rageth, Righetti, Roffler, Rüegg, Said Bucher, Saratz Cazin, Schutz, Solèr, Tanner, Thür-Suter, Tomaschett, Ulber, von Ballmoos, von Tschärner